

Guangjisi Minzcu Bau

ganbbau: CN45-0036 B.2013 Nd.9 Ng.25 liggaueq gveiqceib nienz ndwenbet ngeih 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3092期

Lozyez: Mbanj Bouxcuengh 60 Bi Daeuj Cungj Huzndei

乐业: 60 载 和谐 壮 族 村

Lozyez Yen baihdoengnamz miz aen mbanj he heuhguh Yizdangz Cunh, dwg mbanj Bouxcuengh. Daj Cunghvaz Yinzminz Gunghozgoz laebbaenz 60 lai bi daeuj, aen cunh neix ganbu guhvunz cingqing, aeueiq vunzlai, vih vunzlai okrenz; vunzlai gaenxguh, mbaetyungh, caemhyouq doxndei; ndawbiengz cianh maenhndei, mbouj miz anq hingzsw, neix ndaej heuhguh aen mbanj Bouxcuengh huzndei.

60 lai bi daeuj, Yizdangz Cunh dangcihsuh miz 5 gaiq gvaq, doenghboux suhgi guhsaeh ndaw cunh cungj aeueiq vunzmbanj, guhvunz cingqing, mbouj lau

gwnhoj, laemxsim vih vunzlai okrenz, gij guhfap ndei neix daihdaih doxcienz. Ndaw cunh neix cungj mbouj miz sizdangz, miz hek daeuj gwnngaiz, ganbu okrog banhsaeh soqlaiz mbouj yungh cienzoenggya haeuj fanden gwnngaiz, couh gag okcienz bae gwn faenj.

Lai bi daeuj, Yizdangz Cunh doenggvaq dinghguh doenghgij gvidingh ndaw mbanj daeuj fad gij hengzdoengh famhfap, yinx vunzlai soujap. 1988 nienz, miz bous vunzmbanj he raemj 11 go faex mbanj, aeudauej guhranz, ndaw cunh fad de 1100 maenz, de nyinhfad hix

mbouj hoznyap mbouj haemz bouswnq. Vunzmbanj cungj nyinhnaeuz cijmiz gag okrenz canhngaenz cij cingqing, vunzlai cungj haenqrenz fazcanj swnghcanj, youq ndaw cunh neix guhcaeg ne vunzlai cungj mbouj hawj miz.

Gyoengq vunzhung, bouxgeq ndaw mbanj aeu swhgeij guhyiengh, gaenxguh, mbaetyungh, guh yiengh maenhndei hawj lwglan. Boushung guenj ndei lwgnyez, mbouj hawj lwgnyez guh saeh famhfap. 60 lai bi daeuj, Yizdangz Cunh mbouj miz saeh famh hingzfaz, neix daengx guek hix siuj miz.

(Couh Yizlanz Ginz Cinhvaih)

SIUSIK DINJ

简 讯

● Dangqna, Denhdwngj Yen 5.4 fanh moux haeuxlaeng cauhgiz baenzhaeux raixcaix, guj moix moux lai baenz 105 goenggaen. Ciuq gij gyaq dangqna suenq, neix couh hawj dangdieg doenghboux ndaemhaeux demsou 850.5 fanh maenz.

(Liengz Cwngzfuj)

● Ciuq gyoeipsuenq, daj 2008 nienz daengz 2012 nienz, Nazboh Yen Minzcuzgiz gungh cengndaej minzvej baihgwnz hawj hanghmoeg bued cienngaenz fazcanj saujsu minzcuz 172 aen, cienngaenz 2683 fanh maenz. Hanghmoeg guhbaenz sawjyung le, mizyauq gaijgez 54750 lai vunz saujsu minzcuz byaij roen hoj, gwnzraemx hoj, demsou hoj daengi vwndiz.

(Vangz Bizvaz)

● Geij ngoenz gonq, Denzyang Yen cizgiz gaihcanj "gengangh haeuj gihcwngz" hozdung, cujciz yihliuz conghyah daengz Yifung, Bahbez, Duncing, Vujcunh, Bohhungz daengj gij yangh(cin) diegbya gya haenx, hawj doenghboux gungzhoh mienx-feiq genjcaz da, rwz, ndaeng, bak, hoz daengj.

(Vangz Gozsun)

● Lai bi daeuj, Gunghcwngz Yauzcuz Swciyen daihlig fazcanj lijyouz vwnzva Yauzcuz, doi lijyouzyez hoengh hwnjdaej. Bineix buenq bi gonq, aen yienh neix gungh ciep hekyouz 64.51 fanh vunzbaez, beij bi'gvaq demhwnj 19.8% ; lijyouz gungh souhaej 4.74 ik maenz, demhwnj 15.8%.

(Gyangh Dauh)

Yungzsuij: Ndaw Mbanj Myauzcuz Beij Maxdoxdik Hoh Fungsou



融水: 苗乡斗马庆丰收

9 nyied 20 hauh, Yungzsuij Myauzcuz Swciyen Yanghfwnj Yang youq Bogujlungz banh maxdoxdik doxdax hozdung, aeu neix daeuj angqhoh fungsou. Baez hozdung neix yinx le Yanghfwnj, Anhdai, Swyungz daengj dieg comz 50 duz maxrengz daeuj doxdax, hix yinx haujlai hekyouz daeuj ngonzyawj. Ndaw doz dwg song duz maxrengz cingq doxhaeb doxdik.

(Lungz Linzci ingj)

Liujcwngz Yen "Seiq Daih Gunghcwngz" Guh Ndei Mbanj Daegsaek Mulaujcu 柳城县“四大工程”建好仫佬族特色村寨

Liujcwngz Yen Gujcai Mulaujcu Yangh Mbanjdanhduz dwg aen mbanj Mulaujcu comzyouq haenx. Gaenh bi daeuj, aen yienh neix giethab saedcaeq, comzrengz dajcaux "seiq daih gunghcwngz", roengzrengz gensez Mbanjdanhduz baenz mbanj daegsaek Mulaujcu.

It dwg gunghcwngz ceihleix ndaw mbanj. Aen yienh neix gungh roengz 116 fanh maenz coih ndei doenghgij ranzgauq miz Mulaujcu daegsaek haenx 37 aen, gaijguh ranzyouq 17 aen, dauqfuk ndei vehciengz rog douhung 11 giz, coih mieng hung

ndaw mbanj, ciengz dangnamh, daemznyapnyaj daengj gihcu sezihs.

Ngeih dwg gunghcwngz bu roensuijniz. Doenggvaq gyoebcomz gak bumwnz ok cienngaenz 100 fanh maenz, saedhengz hanghmoeg youq Mbanjdanhduz bu roensuijniz, gaijguh gij roen henz ranz aeu rin camh haenx, hawj beixnuengx Mulaujcu caeq baihrog doxlien engq fuengbienh.

Sam dwg gunghcwngz gensez vwnzva. Doenggvaq cizgiz ceng ndaej cienngaenz fazcanj saujsu minzcuz 100 fanh maenz, saedhengz giz baijok

vwnzva minzcuz, gvangjangz, dou bakmbanj nem gizdingzci, daiz guhsaeg daengj gihcu sezihs gensez; yienh vwnzdijgiz roengz 25 fanh maenz gensez Mbanjdanhduz minzsuz vwnzva cungsim.

Seiq dwg gunghcwngz aeu canjyez daiq fouq. Aen yienh neix giethab saedcaeq, comzrengz dajcaux Gujcai Mulaujcu Yangh "bak, cien, fanh" Mulaujcu funghcingz lijyouz gih, vih beixnuengx Mulaujcu ra doenghgij canjyez hanghmoeg hab ngamj haenx, aeu neix daeuj bangcoengh demsou fouqmiz.

(Veiz Ginzvah)

Daengq Beixnuengx

Aenvih ciet gozging cuengqgyaj, geiz bauqceij ndwen 10 ngoenz 2 neix mbouj ok lo. Hoh gyoengq beixnuengx ngoenzciet angqyangz vuenyungz!